



المحامي المبتدئ 5

تحتوي على:

- شرح تعريف مذكرة الدفاع وأهميتها العملية في قضايا الجнг.
- شرح تكوين مذكرة الدفاع وأجزائها الأساسية.
- شرح كيفية كتابة مذكرة الدفاع خطوة بخطوة.
- تطبيق عملي على واقعة خيالية لبيان طريقة الصياغة الصحيحة.
- مستند إلى النصوص القانونية وأحكام محكمة النقض.

إعداد

إبراهيم الباز النجار



دونها في كشكولك



علشان نقدر نكتب **مذكرة دفاع**، لازم الأول نفهم
بشكل **سريع** يعني إيه **مذكرة دفاع**.

في البداية، هفهمك **أهميتها** الأول من خلال **قصة بسيطة**:

(الحقوق محفوظة لـ: ebrahim_elbaz1@ (الصفحة الأصلية للمحتوى)).

الملف رقم 91
بتاريخ 2026/1/15

القصة:

(الحقوق محفوظة لـ: ebrahim_elbaz1@ (الصفحة الأصلية للمحتوى)).

في إحدى **قضايا الجرح**، كان المتهم **طرفاً في مشاجرة** بسيطة مع أحد الأشخاص، وتم **تحرير محضر** بالواقعة، وأُحيلت القضية إلى المحكمة و**حدد لها جلسة**.

يوم **الجلسة** كان **الرول كبير**، وعدد **القضايا المعروضة** على **الدائرة كثير**، وده **الوضع الطبيعي** في أغلب **جلسات الجرح**.
لما جه دور القضية، المحامي **ترافع شفويّاً**، وركز في **مرافعته** على **أهم النقاط الأساسية** في **الدفاع**، زي **التناقض** في أقوال المجني عليه، و**الملاحظات** الموجودة في **المحضر**، و**موقف** موكله من **الواقعة** بشكل **مختصر** وواضح.

وبعد ما انتهى من **المرافعة الشفوية**، قدّم للمحكمة **مذكرة دفاع** مكتوبة، شارح فيها **الواقعة كاملة**، ومرتب **الدفعات القانونية** بشكل **منظم**، ومعرّزها **بالمستندات**، علشان تكون **كل تفاصيل الدفاع** ثابتة في ملف القضية.

وبكده، المحكمة **يبقى** قدامها **الدفاع الشفوي** المختصر اللي اتقال في الجلسة، ومعاها **مذكرة دفاع مكتوبة** بتوضح كل نقطة بالتفصيل، وده **بيبقى موقف** المتهم و**بيخلي الدفاع كامل** واضح عند **نظر القضية**.

ومن هنا نعرف إن في **قضايا الجرح**، ومع **وجود رول كبير** وضيق الوقت، **المرافعة الشفوية بتعرض** **العناوين الأساسية**، و**مذكرة الدفاع** هي اللي بتكمل **الصورة كاملة** وتثبت **الدفاع** في **أوراق القضية**.



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

يعني إيه مذكرة دفاع وإزاي بتحمي حقوق موكلك في المحكمة؟

مذكرة الدفاع هي ورقة قانونية يقدمها المحامي للقاضي، فيها كل **دفعه وأدلته** بشكل منظم، وبتعتبر وسيلة المحامي لعرض **كل** موقف موكله للقاضي **بشكل واضح ومنظم**، وده بيخلي كل تفاصيل الدفاع واضحة حتى لو الوقت في **الجلسة محدود**.

خصوصًا في **قضايا الجرح**، بيكون عدد القضايا **كبير في الرول**، ووقت المحكمة **قصير** لسماع **كل** المرافعات الشفوية، وده ممكن **يمنع** المحامي من عرض **كل** دفعه أو الأدلة كاملة.

هنا بييجي دور مذكرة الدفاع:

لأنها بتحفظ **كل** الدفع والادلة رسميًا في **ملف القضية**، وبتدي القاضي صورة **واضحة ومفصلة** عن القضية من وجهة نظر موكلك وده بيساعده ياخذ **قرار عادل**، وكمان **بتغطي** أي نقاط ما قدرتش تعرضها شفويًا في الجلسة، وبتعتبر **العمود الفقري** لخطة الدفاع ومن غيرها يكون الدفاع **ضعيف وغير منظم**.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

إيه هي المكونات الأساسية لمذكرة الدفاع

المذكرة بتتكون من خمس أجزاء:

المقدمة (الديباجة)، الوقائع، الدفع القانونية، شرح الدفع والدفاع، والطلبات الختامية.
وهنشرح كل جزء بالتفصيل، مع التطبيق العملي.



دونها في كشكولك



(الحقوق محفوظة لـ: ebrahim_elbaz1@ (الصفحة الأصلية للمحتوى)).

الجزء الاول: المقدمة (الديباجة)

الديباجة هي مقدمة المذكرة القانونية، ويتكون زي **بطاقة الهوية** بتاعة المذكرة، لأنها **بتوضح للمحكمة** وللخصم الأساسيات قبل ما ندخل في التفاصيل.

خطوات كتابة المقدمة خطوة بخطوة:

1- اسم المحكمة والدائرة

في أول الصفحة، تكتب **اسم المحكمة والدائرة** اللي بتتظر القضية،
مثال:

محكمة جناح مستأنف القاهرة
(دائرة الأربعاء)

2- عنوان المذكرة

(الحقوق محفوظة لـ: ebrahim_elbaz1@ (الصفحة الأصلية للمحتوى)).

في منتصف الصفحة وبخط واضح،

تكتب:

مذكرة بدفاع

3- بيانات الأطراف

دي بتوضح **مين ضد مين** في القضية وبأي صفة، وده يختلف
حسب نوع القضية:

- **جنائية:** اسم المتهم والطرف الثاني (النيابة العامة أو المجني عليه أو الاتنين).
- **مدنية:** اسم المدعي والمدعى عليه.
- **أحوال شخصية:** أسماء الزوج والزوجة وصفة كل واحد في الدعوى.



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

مثال:

مقدمة من: السيد / محمود علي السيد
(متهم)
ضد:

النيابة العامة
السيد / كريم سامي عبد الله
(سلطة الاتهام)
(مدعي بالحق المدني)

4- بيانات القضية

(الحقوق محفوظة لـ): ebrahim_elbaz1@ (الصفحة الأصلية للمحتوى).

تكتب رقم القضية، سنتها، وتاريخ الجلسة،

مثال:

في القضية رقم 310 لسنة 2025 جنح قسم ثالث القاهرة
المستأنفة برقم 45 لسنة 2025 جنح مستأنف القاهرة
المحددة نظرها جلسة: الأربعاء الموافق 2025/11/20

مثال بشكل نهائي:

محكمة جنح مستأنف القاهرة

(دائرة الأربعاء)

مُذكرة بدفاع

مقدمة من:

السيد / محمود علي السيد
(متهم)

ضد:

النيابة العامة
السيد / كريم سامي عبد الله
(سلطة الاتهام)
(مدعي بالحق المدني)

في القضية رقم 310 لسنة 2025 جنح قسم ثالث القاهرة

المستأنفة برقم 45 لسنة 2025 جنح مستأنف القاهرة

المحددة نظرها جلسة: الأربعاء الموافق 2025/11/20



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

الجزء الثاني: الوقائع

الوقائع هي **القصة** التي يتحدثها للقاضي **كل** الذي حصل في القضية بشكل **مرتّب وواضح**، قبل ما نوصل لجزء **الدفاع القانوني**. لازم السرد يكون **مرتّب** على حسب الوقت وبالاعتماد على **المستندات** التي في **ملف القضية**.

وظيفة جزء الوقائع: يخلي القاضي يعرف **الأحداث بالظبط** من أول الواقعة **لحد الجلسة**، ويرتب كل مرحلة من **مراحل القضية** (**الشكوى – التحقيق – الإحالة – الحكم – الاستئناف**) بشكل واضح بشأن القاضي أو أي محامي يقدر يتابع **القصة بسهولة**، ويبين إن المحامي **منظم** وعارف **كل تفاصيل القضية**، وكم أن **يسهل** كتابة الدفاع بعد كده لأنه لما **الوقائع واضحة** ومنظمة يبقى أسهل **تحديد النقاط** التي هتركز عليها في **الدفاع**.

خطوات كتابة الوقائع خطوة بخطوة:

(الحقوق محفوظة لـ: @ebrahim_elbaz1 (الصفحة الأصلية للمحتوى)).

1- نقطة البداية: تاريخ الواقعة أو الشكوى

هنا بتبدأ **القصة** من **أول يوم** حصلت فيه **المشكلة**.

مثال:

بتاريخ 2025/5/3، قام المدعي بتحرير المحضر رقم 1530 لسنة 2025 جنح قسم ثالث القاهرة، واتهم موكلنا بالتعدي عليه بالضرب.

الهدف من المرحلة دي:

يعرف القاضي بالظبط إيه **حصل أول مرة**، ومنين بدأت **المشكلة**.



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

2- مرحلة التحقيقات: النيابة أو الشرطة

هنا بنوضح كل اللي حصل بعد **تقديم الشكوى**، زي سماع أقوال الأطراف والشهود، وعرض أي تقارير (زي التقرير الطبي).

مثال:

تم استجواب موكلنا الذي أنكر الاتهام، وقدم شاهد نفي. التقرير الطبي أكد أن الإصابات بسيطة.

(الحقوق محفوظة لـ): ebrahim_elbaz1@ (الصفحة الأصلية للمحتوى).

3- مرحلة الإحالة للمحكمة

بعد التحقيقات، النيابة تقرر إذا كانت القضية تروح **لمحكمة** أو **لا**. هنا لازم تذكر التاريخ والقرار.

مثال:

قررت النيابة إحالة موكلنا للمحاكمة بتهمة الضرب طبقاً للمادة 242، وقُيدت الدعوى رقم 310 لسنة 2025 جنح قسم ثالث القاهرة.

4- الحكم الابتدائي والاستئناف (لو فيه)

هنا بنوضح **نتيجة** الحكم الأول إذا كان فيه حكم، وبعدها أي **استئناف** قدمه موكلك، مع ذكر التواريخ ورقم الاستئناف والجلسة.

مثال:

بتاريخ 2025/8/10، أصدرت محكمة أول درجة حكمها بمعاقبة موكلنا بالحبس لمدة شهر. ثم قمنا بالاستئناف بتاريخ 2025/8/20، وقُيد برقم 45 لسنة 2025 جنح مستأنف القاهرة، وحددت الجلسة 2025/11/20.

الهدف: القاضي يعرف بالظبط **إيه اللي حصل** في المرحلة الأولى وإجراءات الاستئناف، وكمان التواريخ واضحة لكل خطوة.



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

مثال بشكل نهائي:

الوقائع

بتاريخ 2025/5/3، حرر المدعي كريم سامي عبد الله المحضر رقم 1530 لسنة 2025 جناح قسم ثالث القاهرة، وادعى فيه إن موكلنا محمود علي السيد تعدى عليه بالضرب وأحدث به بعض الإصابات.

وبعد تقديم الشكوى، تم الاستماع لأقوال موكلنا أمام جهة التحقيق، وأنكر الاتهام تمامًا، وقدم شاهد نفي أكد إن المدعي هو اللي بدأ المشادة. كما ضم المحضر تقريرًا طبيًا أوضح إن الإصابات بسيطة ولا تتجاوز مجرد سحجات سطحية.

وبعد انتهاء التحقيقات، قررت النيابة العامة إحالة موكلنا للمحاكمة بتهمة الضرب البسيط طبقًا للمادة 242 من قانون العقوبات، وتم قيد القضية برقم 310 لسنة 2025 جناح قسم ثالث القاهرة.

وصدر في الدعوى حكم أول درجة بتاريخ 2025/8/10 بمعاقبة موكلنا بالحبس لمدة شهر. وبتاريخ 2025/8/20 قمنا بالطعن على الحكم بطريق الاستئناف، وتم قيد الاستئناف برقم 45 لسنة 2025 جناح مستأنف القاهرة، وتحددت لنظره جلسة 2025/11/20.



دونها في كشكولك



الجزء الثالث: الدفوع القانونية

في الجزء ده بتعرض للمحكمة **الدفوع القانونية** اللي استخرجتها من **أوراق القضية**، وركز إن الدفوع **مش كلام بيتكتب وخلاص**، كل دفع لازم يكون ليه **أساس قانوني واضح**، سواء من **نص قانون**، أو **حكم نقض**، أو **خطأ ثابت في الإجراءات**، وكل ما كان الدفع **مدعوم ومبني** صح، كل ما قوته أمام المحكمة **تزيد**.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

مثال توضيحي في قضية ضرب:

بعد ما عرضنا وقائع الدعوى، ننتقل الآن إلى الدفوع، ونوجزها في الآتي:

أولاً: الدفع بانتفاء أركان جريمة الضرب بركنيها المادي والمعنوي.

ثانياً: الدفع بتناقض الدليل الفني (التقرير الطبي) مع الدليل القولي (أقوال المجني عليه).

ثالثاً: الدفع بكيدية الاتهام وتلفيقه.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

الجزء الرابع: شرح الدفوع والدفاع

الجزء ده هو **الأهم** وبيفرق بين **المحامى المبدع** والمحامى العادي، لأن هنا **بتشرح كل دفع ذكرته** في الجزء الثالث بشكل **مفصل ومقتع**. وهدف الشرح إنك تثبت إن كل دفع قائم على **أساس قانوني سليم**، ولازم يكون الشرح **عملي، مرتب، ومدعوم بالأدلة**، والنصوص **القانونية**، وأحكام **محكمة النقض**.

ودلوقتي هبدأ **نشرح كل دفع على واقعة تخيلية** علشان الصورة تبقى أوضح.



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

واقعة تخيلية:

التاريخ: 20 أغسطس 2025

المكان: ميدان التحرير، القاهرة

الأطراف:

المتهم: عادل علي (35 عامًا)، يعمل ميكانيكيًا.

المجني عليه: ماجد فتحي (40 عامًا)، يعمل في شركة تأمين.

تفاصيل الواقعة:

في مساء يوم 20 أغسطس 2025، كان المتهم عادل علي والمجني عليه ماجد فتحي في نقاش حاد بسبب حادث تصادم سيارة سابق بينهما. تطورت الأمور بسرعة، وأثناء المشادة، قام المتهم عادل بدفع المجني عليه ماجد بقوة. سقط ماجد على الأرض.

أثناء سقوط ماجد، اصطدم بعامل نظافة كان يمر بجانبه، وسقطت من يد العامل ممسحة على ظهر ماجد، مما أحدث بعض الكدمات السطحية.

أقوال المجني عليه (ماجد فتحي) أمام النيابة:

في محضر التحقيق رقم (2025/560)، أدلى المجني عليه ماجد بأقواله: قام المتهم عادل علي بتهديدي، ثم أشهر في وجهي سكينًا حادة، وقام بالاعتداء عليّ بها في منطقة الظهر، مما أحدث بي إصابات خطيرة.

الدليل الفني (التقرير الطبي):

تم إحالة المجني عليه إلى مستشفى القصر العيني، وصدر تقرير طبي يحمل رقم (2025/222) بتاريخ 21 أغسطس 2025. جاء نص التقرير كالتالي:

بالكشف الظاهري على المريض ماجد فتحي، تبين وجود كدمات سطحية في منطقة الظهر، ولا توجد أي جروح قطعية أو طعنات تدل على استخدام آلة حادة. الإصابات لا تستدعي دخول المستشفى ومدة العلاج لا تتجاوز 5 أيام.

(الحقوق محفوظة لـ: @ebrahim_elbaz1 (الصفحة الأصلية للمحتوى)).



دونها في كشكولك



(الحقوق محفوظة لـ: ebrahim_elbaz1@ (الصفحة الأصلية للمحتوى)).

هنا هيبقى دفع من دُفوعنا: انتفاء جريمة الضرب بركنيها المادي والمعنوي:

طب استخرجت الدفع ده بناءً على إيه؟

الفكرة ببساطة:

في أي قضية ضرب، لازم تتأكد من وجود **حاجتين أساسيتين** عشان تكتمل الجريمة: **الركن المادي (الفعل):** هل المتهم فعلاً قام بالفعل الإجرامي (الضرب)؟ **الركن المعنوي (النية):** هل كان عنده نية وقصد إيذاء المجني عليه؟

التطبيق على واقعنا:

الركن المادي: المجني عليه قال إن المتهم **عادل علي** اعتدى عليه بالضرب. لكن في الواقعة، المتهم **قام بدفع** المجني عليه، واللي أدى **لسقوط** المجني عليه واصطدامه بـ "ممسحة" من يد عامل نظافة. هنا، فعل المتهم (الدفع) **لم يتسبب** في الإصابة مباشرة. **الإصابة** (الكدمة) حدثت بفعل شيء آخر (الممسحة).

الركن المعنوي: هل كان عادل علي **ينوي إيذاء** ماجد فتحي؟ الواقعة بتقول إن كان فيه **نقاش حاد** بينهم، ولكن الفعل كان **مجرد دفعة**، مش **ضرب متعمد**. الهدف كان **إبعاد المجني عليه**، مش إحداث إصابة معينة، خاصة إن الإصابة كانت **طفيفة جداً**.

فين المشكلة هنا؟

(الحقوق محفوظة لـ: ebrahim_elbaz1@ (الصفحة الأصلية للمحتوى)).

الركن المادي: الفعل اللي قام به المتهم (الدفعة) **مش هو** اللي سبب الإصابة. فيه **حلقة مفقودة** في النص (اصطدام المجني عليه بالممسحة). **الركن المعنوي:** مفيش أي **دليل** على أن المتهم كان عنده نية الإيذاء، والواقعة بتوضح إن الإصابة نتيجة **حادث عرضي** مش متعمد. **بناءً على** النقطتين دول، فيه **سبب قوي** ندفع بانتفاء أركان جريمة الضرب بركنيها المادي والمعنوي.



دونها في كشكولك



دلوقتي هوضح لحضراتكم إزاي تكتبها بشكل عملي، وبعد كده هشرح لحضراتكم إزاي أنا كتبتها خطوة بخطوة.

(الحقوق محفوظة لـ): ebrahim_elbaz1@ (الصفحة الأصلية للمحتوى).

الدفع الأول

بانتفاء أركان جريمة الضرب بركنيها المادي والمعنوي

أولاً: انتفاء الركن المادي للجريمة

- حيث أن الركن المادي في جريمة الضرب يتمثل في الفعل المادي المحدث للأثر الجنائي (الإصابة)، أي أن تثبت الأوراق أن المتهم قد باشر فعلاً إيجابياً من أفعال التعدي، وأن هذا الفعل قد أحدث إصابة محددة في جسم المجني عليه. غير أن الدعوى الماثلة قد خلت من تحديد هذا الفعل، ولم تبين كيف وقعت الإصابة.

- وفي الواقعة التي لدينا، المجني عليه قال إن المتهم عادل علي اعتدى عليه بالضرب. لكن في الحقيقة، المتهم قام بـ"دفعه" فقط، والتي أدت إلى سقوط المجني عليه واصطدامه بـ"ممسحة" من يد عامل نظافة. وهنا، يكون فعل المتهم (الدفع) لم يتسبب في الإصابة مباشرة، بل حدثت الإصابة (الكدمة) بفعل شيء آخر (الممسحة).

- وهنا يتبين لعدالة المحكمة أن الأوراق قد جاءت خالية تماماً من أي شاهد رؤية يحدد محدث الإصابات، ولا يوجد دليل مادي مباشر على نسبة الفعل للمتهم، وأن أقوال وادعاءات المجني عليه مرسلة لا ترقى إلى مرتب الجرم واليقين. وحيث إن مادة العقاب الواردة في القيد والوصف، وهي المادة 242 من قانون العقوبات، مؤداها أن الجريمة لا تقوم إلا بثبوت فعل الضرب المادي، وأن يكون قد نتج عنه إصابة محددة، فإذا لم يثبت الفعل أو نسبته لفاعل معين، انهار الركن المادي.

(الحقوق محفوظة لـ): ebrahim_elbaz1@ (الصفحة الأصلية للمحتوى).



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

وفي ذلك فقد قضت محكمة النقض بأنه:

الأصل أنه لا جريمة بغير فعل مادي، فإذا كان الفعل المكون للركن المادي لم يثبت إسناده إلى المتهم أو ثبت أن نسبة الإصابة إليه مشكوك فيها فلا محل للعقاب.

(الطعن رقم 1499 لسنة 55 ق، جلسة 1985/10/21)

وقد قضت أيضاً بأنه:

لا تكون جريمة الضرب إلا بتوافر ركن مادي يتمثل في فعل التعدي وركن معنوي وهو القصد الجنائي، فإذا خلت الأوراق من دليل قاطع على حصول التعدي من المتهم تعين القضاء بالبراءة.

(الطعن رقم 2925 لسنة 56 ق، جلسة 1986/12/3)

ثانياً: انتفاء الركن المعنوي (القصد الجنائي)

حيث إنه من المقرر أن القصد الجنائي في جريمة الضرب هو اتجاه إرادة المتهم إلى إحداث فعل التعدي المادي المفضي إلى إصابة المجني عليه، أي توافر نية الإيذاء. ولم يثبت أن المتهم قد قصد إحداث إصابات، وإنما كانت أقوال المجني عليه متناقضة، وسبب الواقعة كما قرر المجني عليه هو مجرد مشادة. وحيث إن التقارير الطبية خلت من تحديد أداة وفعل موجه بعينه، ولم يثبت أي ارتباط بين الإصابات والمتهم، وبذلك فإن عنصر القصد الجنائي غير متوفر، وهو ركن جوهري لا تقوم الجريمة بدونه.

وفي ذلك فقد قضت محكمة النقض بأنه:

القصد الجنائي في جريمة الضرب العمدى يجب أن يثبت استقلاً ولا يفترض من مجرد حصول الإصابة، بل يلزم أن يقوم الدليل على أن الجاني تعمد إحداثه.

(الطعن رقم 179 لسنة 44 ق، جلسة 1974/3/10)

وقضت أيضاً بأنه:

لا تقوم جريمة الضرب إلا إذا توافر القصد الجنائي وهو نية الإيذاء، فإذا لم يكن هناك دليل على توافر هذه النية لدى المتهم وجب الحكم بالبراءة.

(الطعن رقم 2345 لسنة 50 ق، جلسة 1981/4/23)



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

وقد قضت أيضاً بأنه:

القصد الجنائي لا يستفاد افتراضاً، وإنما يجب أن يثبت من ظروف الدعوى ودلائلها ثبوتاً يقينياً لا يقبل الشك.

(الطعن رقم 4556 لسنة 58 ق، جلسة 1989/4/14)

ومن ثم، يبين ويتضح لسيادتكم انتفاء نية الإيذاء وثبوت تناقض الروايات وعدم تحديد الفعل المادي المحدث للإصابة، وهذا يجعل القصد الجنائي غير متوفر، ويترتب على ذلك انتفاء المسؤولية الجنائية ووجوب القضاء بالبراءة.

كتبنا الدفع ده إزاي؟

(الحقوق محفوظة لـ: @ebrahim_elbaz1 (الصفحة الأصلية للمحتوى)).

أول حاجة عملناها، إننا بصينا على أركان الجريمة نفسها:

الجريمة ليها **ركن مادي** (الفعل اللي بيعمل الإصابة).
وليها **ركن معنوي** (القصد أو نية الإيذاء).

فبدأنا نفكر: الأوراق أثبتت إيه بالظبط؟

لقينا إن الواقعة **كلها مبنية** على إن المتهم **"دفع"** بس، والإصابة جات من **اصطدام** المجني عليه بممسحة عند **عامل النظافة**. يعني الفعل المباشر للإصابة **مش من المتهم** وهنا بيان إن الركن المادي **مش موجود**.
بعد كذا ركزنا على **الركن المعنوي**:

هل في دليل إن المتهم كان قاصد يضر أو يأذي؟

اللي ظهر في الأوراق مجرد **مشادة عادية**، والتقارير الطبية **ما قالتش** إن في سلاح أو أداة محددة **استخدمها المتهم**. يبقى هنا نية الإيذاء نفسها مش ثابتة.

وإحنا عشان نقوي الدفع ما اكتفناش بالكلام، لأ:

رجعنا للمادة 242 عقوبات اللي بتقول إن الضرب لازم يكون بفعل مادي محدد يسبب إصابة.



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

واستندنا لأحكام محكمة النقض التي قررت إن مافيش جريمة من غير فعل مادي، ومافيش ضرب من غير قصد إيذاء.

يعني باختصار:

بيننا للمحكمة إن الأوراق خالية من الركنين الأساسيين (المادي والمعنوي).

دعنا كلامنا بالقانون وأحكام النقض.

وربطنا ده بالواقعة نفسها (دفعة مش ضرب، إصابة من أداة تانية، مافيش قصد إيذاء).

وده هو اللي خلى الدفع متكامل وقوي قدام المحكمة.

وبكدا نكون انتهينا:

من شرح الدفع الخاص بانتفاء جريمة الضرب بركنيها المادي والمعنوي بشكل من التفصيل.

دلوقتي ننتقل للدفع الثاني من الدفوع، وهو:

التناقض بين الدليل القولي والدليل الفني، وهنشرحه على نفس الواقعة التخيلية اللي عرضناها في بداية الملف، علشان الصورة تكون واضحة وقدام حضراتكم بشكل عملي.

(الحقوق محفوظة لـ: @ebrahim_elbaz1 (الصفحة الأصلية للمحتوى)).



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

الفكرة ببساطة:

إحنا عندنا في أي قضية ضرب، لازم نبص على حاجتين مع بعض:

- 1- أقوال المجني عليه (هو بيقول إيه).
- 2- التقرير الطبي (الطبيب شاف وسجل إيه بالظبط).

التطبيق على واقعنا:

المجني عليه قال: المتهم ضربني بسكين في ظهري وعمل لي جرحًا قطعيًا. التقرير الطبي كتب: فيه كدمة سطحية بسيطة بالظهر، مفيش أي جروح قطعية أو طعنات، والإصابة بتخف في حوالي أسبوع.

فين المشكلة هنا؟

أقوال المجني عليه = إصابة خطيرة (طعن بسكين).
التقرير الطبي = إصابة بسيطة (كدمة عادية).
يعني فيه فرق كبير بين اللي اتقال، واللي التقرير أثبتته.
وعلشان كده هندفع بتناقض الدليل القولي مع الدليل الفني.

دلوقتي هوضح لحضراتكم إزاي تكتبها بشكل عملي، وبعد كده هشرح لحضراتكم إزاي أنا كتبتها خطوة بخطوة.

الدفع الثاني

تناقض الدليل القولي مع الدليل الفني

في هذه الدعوى، يوجد تناقض صارخ بين الدليل القولي (أقوال المجني عليه) والدليل الفني (التقرير الطبي)، مما يثير الشك في صحة الواقعة ويؤدي إلى انهيار الاتهام.

حيث أن أقوال المجني عليه ماجد فتحي في محضر التحقيق رقم (2025/560) تفيد بأنه قد تعرض للضرب بـ"سكين حادة" في منطقة الظهر، غير أن التقرير الطبي المرفق بملف القضية (رقم 2025/222) جاء ليخالف ذلك تمامًا، حيث أثبت وجود "كدمات سطحية" فقط، وخلا من أي ذكر لوجود جروح قطعية أو طعنات.

(الحقوق محفوظة لـ): ebrahim_elbaz1@ (الصفحة الأصلية للمحتوى).



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

فقد استقرت أحكام محكمة النقض:

على أن القاعدة الأساسية في الإثبات الجنائي هي أن الأدلة يجب أن تكون متسلسلة ومتراصة لا يشوبها تناقض أو تضارب. فإذا تعارض الدليل القولي مع الدليل الفني، فإن ذلك يترتب عليه إهدار أحدهما أو كليهما.

وقد نصت المادة (302) من قانون الإجراءات الجنائية على أن:

يحكم القاضي في الدعوى حسب العقيدة التي تكونت لديه بكامل حريته. وفي ذلك قضت محكمة النقض بأنه:

متى كان الدليل الفني لا يتفق مع الدليل القولي اختلافاً يستعصي على الملائمة، تعين استبعاد الدليلين معاً.

(الطعن رقم 4714 لسنة 56 ق - جلسة 1987/1/15)

وهذا التناقض بين أقوال المجني عليه والتقرير الطبي لا يمكن التوفيق بينه، مما يستوجب إهدار كلا الدليلين وبالتالي سقوط الاتهام.

كتبنا الدفع ده إزاي؟

أول حاجة بنعملها، بنبين للمحكمة فين المشكلة **بالظبط في القضية**، وهي إن

كلام المجني عليه **مش متوافق** مع الدليل المادي اللي هو **التقرير الطبي**.

و لو **لاحظتوا**، إحنا **بدأنا بالبراهين**. قلنا إن المجني عليه قال إنه اتضرب

بسكينة، وإن ده موجود في محضر تحقيق رقم (...)، وبعدين قدمنا **التقرير**

الطبي رقم (...). اللي بيقول إن الإصابات **مجرد كدمات**.

ذكر **الأرقام والتواريخ** دي **مهم جداً** لإثبات إنك بتتكلم عن **أدلة حقيقية وملموسة**.

بعد ما بينا **المشكلة**، بنرجع للقانون. لازم **نثبت للمحكمة** إن **التناقض** ده مش

مجرد خطأ بسيط، ولكنه **مخالفة لقواعد الإثبات الجنائي**. عشان كده،

استخدمنا المادة 302 من قانون الإجراءات الجنائية اللي بتقول إن القاضي

بياخد بالعقيدة اللي بتكون عنده، يعني لو **الأدلة فيها شك**، فالشك ده بيكون

في صالح المتهم.

وأخيراً، عشان نقوي دفعنا أكثر، استندنا **لأحكام محكمة النقض**.



دونها في كشكولك



حكم النقض اللي استخدمناه بيقول **صراحة** إنه لو الدليل الفني والدليل القولي **مش متوافقين**، لازم المحكمة **تستبعد الدليلين معاً**.
ده **مش مجرد رأينا**، ده **مبدأ قانوني مستقر في المحكمة العليا**.
(الحقوق محفوظة لـ: @ebrahim_elbaz1 (الصفحة الأصلية للمحتوى)).

وخلي بالك:

إن الجزء ده هو **العمود الفقري** لمذكرة الدفاع، وهنا بيبان **فعلاً تميز** المحامي. لأنك مش بس **بتذكر الدفوع** زي ما عملنا في **الجزء الثالث**، لكن كمان **بتشرح** كل دفع بالتفصيل، وتدعمه بالأدلة والبراهين ونصوص القانون وأحكام النقض. زي ما عملنا ووضحنا لحضراتكم، وبتعمل كدا في كل الدفوع اللي استخرجناها.

الجزء الخامس: الطلبات الختامية

الطلبات هي آخر جزء في مذكرة الدفاع، وبتكون زي **الخلاصة اللي بتطلب** فيها من المحكمة **بشكل واضح** إيه اللي المفروض تعمله أهم النقاط اللي ممكن تكتبها مثلاً:

البراءة:

لو الدفوع اللي شرحتها بتؤدي لانعدام الدليل أو بطلان الإجراءات يبقى تطلب براءة المتهم.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

البراءة واحتياطياً تخفيف العقوبة:

لو شايف إن فيه احتمال المحكمة تدين المتهم، يبقى تطلب البراءة أولاً، واحتياطياً استعمال أقصى درجات الرأفة أو استعمال المادة 17 من قانون العقوبات (اللي بتدي المحكمة حق تخفيف العقوبة).

الطلبات الإجرائية:

زي:

سماع شهادة شاهد معين، ندب خبير فني/طبي جديد، ضم مستندات أو أوراق من جهة معينة.



دونها في كشكولك



مثال بسيط (في قضية ضرب):

لذلك

نلتمس من عدالة المحكمة:

أولاً: القضاء ببراءة المتهم مما أسند إليه.

ثانياً: وعلى سبيل الاحتياط، استعمال أقصى درجات الرأفة بحقه، عملاً بالمادة 17 عقوبات. ولسيادتكم وافر الاحترام والتقدير،

وكيل المتهم
(اسم المحامي)
(التوقيع)
بتاريخ .../.../...

(الحقوق محفوظة لـ): ebrahim_elbaz1@ (الصفحة الأصلية للمحتوى).

وبكدا نكون انتهينا من شرح كيفية كتابة مذكرة الدفاع، وغطينا كل أجزائها خطوة بخطوة: بدايةً من المقدمة (الديباجة)، ثم عرض الوقائع، مروراً بالدفع القانوني وشرحها، وصولاً إلى الطلبات الختامية.

وأحب أنوه لحضراتكم إنني حاولت أشرح كل جزء بأسلوب بسيط ومفصل، لكن لازم تعرفوا إن الشرح دا مجرد بوابة بتبدأوا منها رحلة البحث والتعمق.

ونصيحتي ليكم:

علشان تقدر تكتب مذكرة دفاع قوية، لازم تقرأ مذكرات دفاع كثير سواء من الكتب اللي مخصصة لعرض المذكرات، أو من مذكرات الأساتذة اللي بينشروها على الإنترنت. القراءة هتطور لغتك القانونية، وهتفتح لك طرق جديدة في الصياغة والبناء والطرح.

وفي النهاية

هذا العمل بذل فيه جهد كبير، وهو متاح بالكامل مجاناً لوجه الله تعالى فلا تنسوني من دعائكم.

وبس كده،

كان معكم/ إبراهيم الباز النجار،
من منصة "دونها في كشكولك"،
والسلام عليكم ورحمة الله وبركاته.

للحصول على جميع الشروحات والملفات القانونية انضم إلى قناة التليجرام وباقي منصاتنا.

https://tiktok.com/@ebrahim_elbaz1 :

<https://t.me/ebrahimelbaz12> :

Ebrahim Elbaz Elnagar :

دونها في كشكولك :